



Iohannes ab Erlach ex nobili familia apud Bernenses Heluetios natus est anno circiter 1470. Is cum bona indole esset conspicuus, à pueris operam literis dedit, ac in omni genere uirtutum optimè educatus fuit. cum uerò prudētia & pietate reliquos æquales longè superaret, atque belli & pacis tempore fortissimus esset, in Senatum cooptatus est. Ibi tanta integritate uitæ & rebus expediendis dexteritate usus est, ut communi ciuium sententia Bernensis reipublicæ Consul eligeretur, qui in ea urbe summus est magistratus, & alijs Prætor uel Scultetus dicitur. Eam uitæ eminentiam

Iohannes magna animi moderatione suscepit, atque potentissimæ eius reipublicæ negotia summa dexteritate expediuit. In primis uerò religionis causam & Euangelij doctrinam promouit, atque ut omnia pacificè peragerentur prouidit. Vnde sibi apud reliquos quoque Heluetios magnum nomen comparauit. Cum hoc modo pergeret, & ad septuagesimum annum peruenisset, ætate & laboribus exhaustus anno Domini circiter 1540 Bernæ obiit, & honestam nominis memoriam suæ familiæ & patriæ reliquit. Anon.